

MIHAINOA

Salamo 81 :8 : « *Mihainoa, ry oloko, dia hambarako aminao* ». MIHAINOA. Izy tsy hanambara aminao na inona na inona raha tsy mihaino ianao e. Misy olona mitaraina : « *Pasitera an,mba mamaky mofon'aina ihany aho fa maina be* ». Ka ianao tsy vonona hihaino ko. **Salamo 81 :11** : « *Fa tsy nihaino ny feoko ny oloko; ary ny Isiraely tsy nankatò Ahy* ». **Salamo 81 :13** : « *Enga anie ka hihaino Ahy ny oloko, dia handeha amin'ny lalako ny Isiraely* ».

Mampieritreritra satria milaza ny fontsika ry havana sy ny fombantsika ny **and.12** : « *Ka dia navelako hanaraka ny ditry ny fony Izy, handehanany manaraka ny fisainan'ny tenany* ».

Ka dia navelako nanaraka ny ditry ny fony izy. Ny fontsika io : maditra io. Maditra i9 fontsika io. AZA ATAO AO AM-BAVANA INTSONY, NA TENENINA AMIN'NY NAMANA INTSONY NY HOE : « *SUIS TON CŒUR* », « *ECOUTE TON CŒUR* ». Aoka izay ny miteny an'izany ry havana ô. **Jeremia 17 :9** : « *Ny fo dia mamitaka mihoatra noho ny zavatra rehetra* ». Mamitaka io fonao io. Teneninao ilay olona hoe « *suis ton cœur* » : voafitaka ilay olona e.

Ary eto Andriamanitra dia tena hoe : rehefa miziriziry ianao tsy hihaino Azy, tsy hanaraka Ahy, tsy hitandrina ny teniko : avelako ianao hanaraka ny ditry ny fonao. Olona manaraka ny ditry ny fony : efa famaizana izany.

Fa izay ilay fahamarinana eto, hoy ilay **and.8** hoe : MIHAINOA.

Jereo izany fitiavan'Andriamanitra antsika : « *ny andrasako aminao izay manana fiainana focalisé Amiko : mihainoa* ».

Malahelo Andriamanitra eo amin'ny **and.11** : « *Fa tsy nihaino ny feoko ny oloko* ». Malahelo Izy. Fa Andriamanitra mamindra fo, dia hoy ilay **and.13** hoe : « *Enga anie ka hihaino Ahy ny oloko* ». Miteny Izy hoe « *mihainoa* », dia manao constat Izy, malahelo fa tsy nihaino izy. Fa mbola misahirana Izy, mahari-

po Izy : « *Enga anie ka hihaino Ahy ny oloko* ».

Andeha isika handinin-tena ny amin'ny fihainoana an'Andriamanitra. Andeha hifona isika ny amin'ny nanarahantsika ny fonsika. Andeha hifona isika ny amin'ny tsy fihainoana an'Andriamanitra.